



李庸莘先生遺像

李晉華君事略

噫！李君之逝，廿有一月矣！君字庸莘，廣東梅縣松源堡桉背鄉人。幼資異稟，稍長肄業邑之東山中學，文采冠儕輩。既入北京大學，凡三載，患風濕退休，里居二年餘，疾有瘳。邑西洋公學聞其名，聘任初中文史教員。翌年進省垣法官訓練班，冬粵變作，學校無形解散。明年秋改入中山大學文科。家本務農，衣食才足。父稍讀書，明大義，餘閒兼習爲商，贏餘無幾，則舉債供君學費，久之漸不能支。適傅孟真先生籌設本所，嘉君志，月給津貼，始得卒業。歸爲母校東山中學教授，勤誘掖，多士向風，造就甚衆。明年因友人之介，出任廣西梧縣市府祕書，兼省立第二中學高中部教員，與官路一言不合，舍之逕去。食貧北平，閉戶自精，如是者一年。時東北淪陷，國事敗壞，君慨然著明代倭禍攷一書，以策國人。未幾入燕京大學研究所，成明代勅譏書攷及明史纂脩攷。明史纂修攷一書，都十餘萬言，據摭豐贍，義據謹嚴，爲學人所稱道。會本所有校刊明實錄之議，乃延君董其事。茲事體大，君殫心竭慮爲之草瓶條例，認正異同，計程限功，宵深不寐以爲常。涉獵已博，積精究深，發爲論箸，如明懿文太子生母攷，明成祖生母問題彙證等，並斐然可觀。本所第一組于廿四年冬由平遷京，逾年夏間，君亦南下。明實錄一書爲卷二千九百十有三，時逾三載，未經君校定者唯萬曆已下三朝六百餘卷。秋八月，偕同事于役浙江南潯嘉業堂假閱所藏爲校理之助。南潯地卑，滿眼流潦，起居飲食，諸不習慣。疾間作，猶勤勞不息。迨十二月勢危殆，始由同事扶持反京。亟入中央醫院，判爲心臟頽敗症。力施治療，而病根已深，卒告不治，時民國二十六年二月七日午前十一時二十分，年三十有九。父皆昌，太夫人劉氏皆在堂。配某氏，繼配某氏，均以意志不合爲君遺去。兄弟四，君居長，子一，女一，皆幼稚，則年前其弟所過繼者也。君性肫孝，忼慨尚氣節，而和易廣博，善與人交。遺箸太半已刊，待刊者有韓林兒事蹟本末及其與明太祖之關係並靖難事變二篇。餘事爲詩古文辭，並精能，有明辨齋詩，亦已刊。距君之逝三月又十日，君仲弟由家奔視君喪，奉君遺體安葬于南京雨花台後徐家山之陽。日月急節，殂謝易傷！懷哉若人，風流遠尚！國門脩夜，蕭蕭白楊！噫！

明史德王府世系表訂誤

李晉華遺稿

一 引言

明英宗有子九人，嫡長見深，繼統爲憲宗；庶三子見湜，未封而殤；其得封者七王。庶二子見潾，于天順元年封德王，成化三年就藩濟南府，至正德十二年薨，凡傳七世而明亡。其本府世系及承襲諸王，明史諸王世表及列傳均詳載之，未聞有訛謬也。近于本所明檔中獲見崇禎十一年德府所纂進玉牒一冊，此冊不特于承襲諸王名位世次甚明，卽郡王郡主及鎮輔國將軍亦詳載及。查明代累朝修玉牒，皆預詔各王府造具其本府玉牒，上之于朝，合帝系而總纂之，曰天潢玉牒，或大明玉牒，付宗人府掌之。是各府所纂進之玉牒，乃玉牒之底本，宜最翔實可據也。偶檢德府玉牒底本，覈之明史德王世表及德王傳，竟發見錯誤處甚多。想當日明史館臣纂諸王世表及列傳時，未獲見此玉牒底本也。僅此一表一傳，已錯誤甚多，其他謬誤處，可由此推知，其有待辨正無疑矣。茲爲訂正德王府表傳。

附德府長史司啓修玉牒文如下：

玉牒册式以便簡閱以利天潢事議得各王府造冊先書列各宗室位次如鎮國
輩爲序輔奉如之中尉混于金將軍不混于中尉鎮國不混于輔一覽便明一查便見等因奉此內奉山東布政使司劄付玉牒册式以便查覈事本年查得各王府解到玉牒文冊惟周府逐項分填開造得體其雜朦朧不堪查覈除今歲玉牒俱已投部姑免駁回另造外相應行文各王府照依周府冊式親王一位郡王幾位鎮軍幾位輔軍幾位幾位奉中幾位五十石庶宗幾位十二石庶宗幾封幾位共見錄若干位未祿若干位先行開寫簡明總數火速申文俱限本年終報部以憑稽查其下年玉冊則必臚列等第照依前式造冊永爲遵守等因奉此已經關行周府長史司查玉牒册式去後萬曆四十四年二月內准周府長史司關查冊式到司准此除啓請知會遵依外行據寧海等郡王府教授（缺）典膳韓時貞等各申將崇禎十一年分例該報臣等會同本府代理承奉司事典寶正賀章等查照自始封親郡王並鎮輔奉國將軍各所生子女奏報請名請封各年月日期及奉到勘合號數薨卒等項生母貫址進府來歷並郡縣主君造配儀賓姓名除查明遵依新行造報外擬合開造爲將（將下脫字不明）今將前繇理合開坐謹具啓聞

右謹啓聞

左長史缺

崇禎十一年八月 日

右長史缺

署印工正 匠嚴麟啓

監造官典簿臣梅章

對同書辦官臣郁芳

二 訂誤

明史德王世表及德府玉牒異文表

王及郡王	世表	玉牒
恭王載燈	懷庶二子	嫡二子
由樞	常霽庶一字初封廣宗王萬曆四十三年改封世子未襲卒	常霽庶六子萬曆三十六年七月封廣宗王四十三年六月進封德世子崇禎八年六月襲封德王
由樞	常霽庶二子初封郡王崇禎中進封十二年正月大清兵克濟南見執(傳同)	無
泰安郡王厚熾	恭簡庶一字	庶五子
臨朐郡王翊鉅	翊鉅嫡一字	嫡二子
臨朐郡王常灤	無謚	謚康順
臨清郡王常灝	僖順嫡一子	嫡三子
寧海郡王翊鐸	恭和嫡一子無謚	嫡五子謚昭敬
清平昭裕郡王	常灤	常灤
利津郡王翊鑠	翊鑠	翊鑠
紀城郡王由採	由採	由采
清平郡王由梟	昭裕庶一子	庶二字

觀上列表，世表錯誤凡十二處，其有最大關係者，則世表所載「由樞端王常霽庶一子，初封廣宗王，萬曆四十三年改封世子，未襲卒」一條。查玉牒由樞于萬曆三十六年七月封廣宗王，四十三年六月進封德世子，崇禎八年六月襲封德王，至十一年八月德府修造玉牒時，王尚在，而云「未襲卒」，一誤也。玉牒由樞爲端王常霽庶第六子，世表云「庶二子」，二誤也。又世表載「由樞端王常霽庶二子，初封郡王，崇禎中進封，十二年正月大清兵克濟南，見執」；明史莊烈帝本紀亦云「十二年正月庚申，大清兵入濟南，德王由樞被執」；復查橫雲史稿莊烈帝本紀「十二年春正月庚申，大清兵入濟南，德王由樞被執，左布政使張秉文，督糧副使鄧謙，濟南道副使周之

訓，鹽運使唐世熊，濟南知府苟好善，同知陳廣胤，通判熊烈獻，歷城知縣韓承宣，臨邑知縣宋希堯，武城知縣李承芳，博平知縣張列宿，莊平知縣黃建極，俱死之。」（明史僅云布政使張秉文等死之）三處所記雖有詳略，其事則同。但查玉牒，端王常生九子，至崇禎初，存者惟由楨與由椅，無所謂由樞者而德府「常」字排行諸郡王以下，亦無所謂由樞者，然則謂「清兵入濟南，德王由樞見執」云云，亦誤也。

玉牒載崇禎八年六月，德王由楨生一子，已奏報，依皇明祖訓燕王位下二十字名次，「常」「由」之後爲「慈」「和」，則由楨子應名慈口，（與莊烈帝之太子慈烺爲同輩）至十一年八月德府修造玉牒時，未聞夭殤，惟未賜名耳。縱使德王由楨于十一年八月之後，十二年正月之前薨，亦應以其子襲封德王，何來由樞，旋襲而旋爲清兵所執？此又事理之必無者也。

查玉牒清平昭裕郡王常生二子名由梟，世表所載同，「梟」亦作「樞」，豈由樞即由楨之誤耶？但由楨爲郡王子，雖在萬曆四十二年已襲封，仍爲郡王，豈清兵克濟南時，清平郡王由楨見執，塘報誤載爲德王由樞，明史館臣未見德府玉牒，遂據當時塘報鷄抄，相沿致誤耶？

此稿寫成，再遍查本所明檔，檢得崇禎時兵部舊檔有德王由楨奏稿一葉，（原本不傳）細閱之而知此奏稿即關於清兵圍濟南城時，請朝廷迅速發兵之事也。茲錄其原稿如下：

德王臣由楨謹奏，爲虜寇壓境，勢甚阽危，乞早發勁兵大將，以救燃眉事：本月二十三日有虜賊自西前奔省城，分南北兩路而來，夾城東行，勢甚猖獗。本城並無勁兵大將截堵，止有登兵一千，上城防守，并地方牌甲百姓守把垛口，城門盡閉，內外不通。賊在城外，四面圍繞，到處焚劫，勢甚緊急。若不早發勁兵，自外驅逐，倘賊窺城空虛，兵馬單弱，逼兵城池，百姓驚惶，倚何救援。省城爲畿輔重地，若有疎虞，關國家安危非小。伏乞皇上勑下該部，速發將兵，早行勦滅，庶重地得以無虞，生民早出水火矣。


崇禎十二年正月十三日奉聖旨：齋奏來遲，是何緣故？著查明，該部知道。

清兵圍濟南城在十一年十二月二十三日，德王由楨處圍城之中，守兵單弱，恐有疎虞，當卽具本奏報，並請速發大兵，勦滅虜賊；但因齋奏遲緩，至十二年正月十三


日奏到，清兵已于正月二日（庚申）克濟南城，不及發兵救援，故聖旨有「齋奏來遲，是何緣故？著查明，該部知道」，之語也。然當日具本奏報者爲德王由楨，則濟南城破，被執者亦必爲由楨，得比鐵證，明史本紀世表及橫雲史稿本紀所云「清兵克濟南，德王由樞見執」，皆誤也。如此大事，明史館臣多勝朝遺老，雖未目擊，亦必耳聞，而乃謬誤至此，甚矣信史之難期也。

三 重編德府世系表(依崇禎十一年八月德府造進玉牒)

(一) 德府本支



(二) 泰安郡王府



(三) 濟寧郡王府




(四) 歷城郡王府

歷城榮和郡王厚燦——無嗣

懿庶三子

(五) 臨朐郡王府




(六) 高唐郡王府


高唐悼僖郡王厚爌——無嗣

懿庶八子

(七) 臨清郡王府



(八) 寧海郡王府



(九) 堂邑郡王府

堂邑端順郡王翊鑛——無嗣

恭庶二子

(十) 利津郡王府

利津安和郡王翊鑛
常瀟 嫡二
常瀟 長
恭庶三子

(十一) 安陵郡王府

安陵康僖郡王常灝——無嗣

定嫡二子

(十二) 紀城郡王府

紀城溫裕郡王常澍
由侏 嫡長
定嫡三子

慈賞 庶三
□□ 嫡二
□□ 庶長
慈頤 庶二
慈炆 庶四

(十三) 嘉祥郡王府

嘉祥端莊郡王常灝
由檄 嫡二
定嫡四子

□□ 嫡長

(十四) 清平郡王府

清平昭裕郡王常灝
定嫡五子

由榮 嫡長
庶二
由檉 庶四
□□ 庶五
□□ 庶三
□□ 庶長

(十五) 永年郡王府

永年溫順郡王由樞——無嗣
端庶八子

(十六) 寧陽郡王府

寧陽郡王由椅——慈炤嫡長
端庶九子